


書名 廣文選八十二卷 嘉靖  
十二年序刊本  
撰者 明 劉節 輯  
卷 卷五十九  
內容分類 集-總集-詩文  
索書號 大木-集部-總集類-3  
編號 D7920300

# 卷五十九



廣文選卷第一

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項


惟自然之初載兮道虛無而玄清太素紛以溷淆兮始  
有物下而混成何元一之芒昧兮廓開闢而著形爾乃清  
濁剖玄黃判離太極既殊是生兩儀星辰煥列日月  
重規以尊地靜以卑昏明迭炤或盈或虧陰陽協  
氣而寒暑隨時而推移三才殊性五行異位千變  
萬化度類授之以形稟之以氣色表文采聲有音  
律復

天地賦

成公子安



明通議大夫都察院右副都御史大庾劉節廣




不 許 複 製

NOT TO BE REPRODUCED

東京大学東洋文化研究所

所  
圖  
書



選卷第五十九

明通議大夫都察院右副都御史

董仲舒



頌上

山川頌

董仲舒

山則龍從蟲雜鬼嶷嶷巍久不崩阨似夫仁人志士孔子曰山川神祇立寶藏殘器用資曲直合大者可以為宮室臺榭小者可以為舟輿浮漚大者無不中小者無不入持斧則斫折鑿則文生人立禽獸伏死人入多其功而不言是以君子取辟也且積土成山無損也成其高無害也成其大無虧也小其上泰其下久長安後世無有去就儼然獨處唯山之意詩云節彼南山惟石巖巖赫赫師尹民具爾瞻此之謂也水則源泉混混汜汜

晝夜不謁既以力者盈科後行既似持平者循微赴不  
不遺小間既似察者循谿谷不迷或奏萬里而必至既  
似知者鄣防止之能淨淨既似知命者不清而入潔清  
而出既似善化者赴干仞之壑而不疑既似勇者物皆  
困於火而水獨勝之既似武者咸得之而生失之而死  
既似有德者孔子在川上曰逝者如斯夫不舍晝夜此  
之謂也

旱頌

東方曼倩

維昊天之大旱失精和之正理遙望白雲之  
豐淳滄曠  
曠而亡止陽風吸習而焘焘群生閔憇而愁憤隴畝槁  
而允布壤石相聚而爲害農夫垂拱而無爲釋其耰鋤  
而下涕悲壇畔之遭禍痛皇天之靡濟

北征頌

班孟堅

車騎將軍應昭明之上德該文武之妙姿蹈佐歷握機  
機翼肱聖上作主光輝資天心謨神明規卓遠圖幽冥  
親率戎士巡撫疆城勒鞭御之末設奮轡櫓之遠徑閔  
遐黎之騷秋念荒服之不庭乃 三選簡虎校勒部隊  
明誓號援謀夫於未言察武毅於俎豆取可杖於品象  
拔所用於仄陋料資器使采用先務民儀響慕群英彰  
附羗戎相率東胡爭鶩不召而集未令而諭於是雷震  
九原電曜高闕金光鏡野武旗督蜺衝鷄鹿超黃磧輕  
選四縱所從莫敵馳飈疾踵蹊迹探梗莽採嶰阨斷濫  
禹分尸逐電激私渠星流霰落名王交手稽顙請服乃  
收其鋒鏃于鹵甲冑積象如丘阜陳閱滿廣野戢載連

百兩散數累萬億放獲驅拏掃城拔邑禽馘之倡九谷  
謠諺響聒東夷埃塵戎域然而唱呼鬱憤未逞厥願甘  
平原之酣戰矜訊捷之累算何則上將崇至仁行凱易  
弘濃恩降溫澤同庖厨之珍饌分裂室之織帛勞不御  
輿寒不施釋行無偏勤止無兼役性蒙識而懷矣順貳  
者異而懦夫奮遂踰涿邪跨祈連籍庭蹈就疆徭靖嶺  
麟幽山趨凶河臨安候軼焉居與虞衍顧衛霍之遺迹  
職伊秩之所邈師橫驚而度御士佛惛以爭先回萬里  
而風騰劉殘寇於沂垠糧不賦而師贍役不重而備軍  
行戎醜以禮教所鴻校而昭仁文武炳其並隆威德兼  
而兩信清乾鈞之攸冒拓畿略之所順橐弓鏃而戢戈  
田蹙靡以東運於是封燕然以降高檀廣健以弘瞻銘  
靈陶以勒崇欽皇祗之祐貺宣惠氣盪殘風軻泰幽嘉  
凝陰飛雪灑庶其雨灑淋榛枯一握興嘉卉始農土膏  
含養四行分仕於是三軍稱曰疊疊將軍克廣德心光  
光神武弘昭德音超兮首天潛眇兮與神參

天子冠頌

黃文彊

以三載之孟春建寅月之上旬皇帝將加玄冠簡甲子  
之元辰厥日王於大皞厥時叶於百神既臻廟而成禮  
乃迴軫而反宮正朝服以享宴種太簇之粢鐘作蕃屏  
而鼎轉既夷裔之君王咸進酌于金壘獻萬年之玉觴

東巡頌

傅武仲

伊漢中興三葉於皇維烈允迪厥倫纘王命胤漢興矩  
坤度以範物規乾則以陶鈞於是考上帝以質中惣列

宿於北辰開太微敞禁庭延儒林以諮詢岱岳之事于  
時典司耆苟載華抱實徵爾而造曰盛乎大漢既重雍  
而襲熙代增其德唯斯岳禮久而不脩此神人之所慶  
幸海內之所想思頌有喬山之征典有祖岳之巡時邁  
其邦人斯攸勤不亦宜哉乃命太僕駟六轡閑路馬戒  
師徒於是乘輿登天靈之威路駕太一之象車升九龍  
之華旗建掃霓之旌旄哀胡者之玄老聘東作之上游  
賞孝行之峻農

東巡頌

蔡伯喈

竊見巡狩岱宗柴望山虞宗祀明堂上稽帝堯中述世  
宗遵奉光武禮儀備具動自聖心是以神明屢應休徵  
乃降不勝任簡之精謹上岱宗頌一篇曰若稽古在漢  
迪哲業修厥德憲章不列六龍較五路亦百備順考  
履命南重以司歷厥中月之六辰備天官之列衛盛輿  
服而東巡

祖德頌

蔡伯喈

昔文王始受命武王定禍亂至于成王太平乃洽祥瑞  
必降夫豈后德降漸浸之所通也是以易嘉積善有餘  
慶詩稱子孫其係之非特王道然也賢人君子脩仁履  
德者亦其有焉昔我烈祖暨于子考世載孝友重以明  
德率禮莫違是以靈祗降之休瑞免擾馴以昭其仁木  
逋理以象其義斯乃祖禰之遺靈盛德之所貺也豈是  
童蒙孤稚所克任哉穆穆我祖世篤其仁其德克明惟  
懿惟醇宣慈惠和無競伊人巖巖我考莅之以莊增崇

不顯克構其堂是用祚之休徵惟光厥徵伊何於昭宇  
今園有甘棠別幹同心墳有擾兔宅我栢林神不可誣  
僞不可加析薪之業畏不克荷矧貪靈貺以爲已華惟  
予小子豈不是欲于有先功匪榮伊辱

京兆樊惠渠頌

蔡伯喈

洪範八政一曰食周禮十職一曰農生民之本於是乎  
出彗殖財用於是乎在陽陵縣東厥地汗泥嘉穀不殖  
光和五年京兆尹樊君勤恤民隱乃命立新渠曩之毒  
田化爲甘壤相與謳談斐然成章謂之樊惠渠其歌曰  
我有長流莫或闕之我有溝澮莫有達之田疇斥鹵莫  
修莫治飢饉困瘁莫恤莫思

廣成頌

馬季長

臣聞孔子曰奢則不遜儉則固奢儉之中以禮爲界之  
以蟋蟀山樞之人並刺國君諷以大康馳驅之節矣樂  
而不荒憂而不困先王所以平和府藏贖養精神致之  
無疆故曼擊鳴球載於虞謨吉日車攻序於周詩聖主  
賢君以增盛美豈徒爲奢淫而已哉伏見元年以來遭  
值厄運陛下戒懼災異躬自菲薄荒棄禁苑廢弛樂懸  
勤憂潛思十有餘年以過禮數重以皇太后體唐堯親  
九族篤睦之德陛下履有虞蒸蒸之孝外舍諸家每有  
憂疾聖恩普勞遣使交錯稀有曠絕時時寧息又無以  
自娛樂殆非所以逢迎太和裨助萬福也臣愚以爲雖  
尚頗有蝗蟲今年五月以來雨露時澍祥應將至方涉  
冬節農事閒隙宜幸廣成覽原隰觀宿麥勸收藏因講

武校獵使寮庶百姓復覩羽旄之美聞鐘鼓之音歡嬉  
喜樂鼓舞疆畔以迎和氣招致休慶小臣螻螻不勝區  
區職在書籍謹依舊文重述蒐狩之義作頌一篇并封  
上淺陋鄙薄臣不足觀省

臣聞昔命師於韃橐偃伯於靈臺或人嘉而稱焉彼固  
未識夫雷霆之為天常金華之作昏明也自黃炎之前  
傳道罔記三五以來越可略聞且區區之酆郊猶廓七  
十里之囿盛春秋之苗詩詠囿草樂奏騶虞是以大漢  
之初基也宅茲天邑總風雨之會交陰陽之和揆厥靈  
囿營于南郊徒觀其坳場區宇恢昭曠蕩藐曼勿罔寒  
豁鬱決聘望千里天與地恭於是周陟環瀆右轡三塗  
左概嵩嶽百據衡陰箕背下屋浸以波差夤以榮洛金



山石林殷起乎其中峨峨磴磴鏘鏘唯唯隆脊槃回  
峴錯崔神泉側出丹水湮池恆石浮磬耀焜乎其陂其  
土毛則權牧薦草芳茹甘茶苾苾芸菹昌本深穉芝蒨  
葦苴蕞荷芋渠桂苾苾葵格菲蒞于其植物則玄林包  
竹藩陵蔽京珍林嘉樹建木叢生椿梧栝栢柅柳楓楊  
豐彤對蔚峯嶺嶽嶽爽翕習春風含津吐榮鋪于布濩  
扈蕤熒惡可殫形至于陽月陰厯害作百草畢落林衡  
戒田焚萊柞木然後舉天綱頓八紘犖斂九藪之動物  
纒橐四野之飛征鳩之乎茲囿之中山敦雲移羣鳴膠  
膠鄙駭譟謹于野聽從耳離朱目眩隸首策亂陳子籌  
昏於是營圍恢廓充斥川谷罕置羅罝彌綸阮澤臯牢  
陵山校隊案部前後有屯甲乙相伍戊巳為堅乘輿乃

以吉月之陽朔登于䟽鏤之金路六驕驥之玄龍建雄  
虹之旌夏揭鳴鳶之脩椽曳長庚之飛髻載日月之大  
常棲招搖與玄戈注枉矢於天狼羽毛紛其影馳揚金  
燄而拖玉瓊屯田車於平原播同徒於高岡旃旒摻其  
如林錯五色以摛光清氛埃埽野場誓六師搜雋良司  
徒勒卒司馬平行車攻馬同教達戒通代各鼓撞華鐘  
獵徒縱赴榛叢微燼霍奕別鶩分奔騷擾聿皇往來交  
舛紛紛回回南北東西風行雲轉凶磕隱訇黃塵勃滂  
闇若霧昏日月爲之籠光列宿爲之翳昧僞狡課才勁  
勇程氣狗馬角逐鷹鷗競鷙驍騎旁佐輕車橫厲相與  
陸梁聿皇於中原緇猥踈蹤特肩脰完軀搗介解散毛  
族枯羽羣然後飛鏃電激流失雨隊各指所質不期俱  
殪窟伏扔輪發作梧鞋殺及狂擊頭陷顛碎獸不得殫  
禽不得瞥或夷由未殊顛俱頓躓螟蠕蟬蟬充衢塞隧  
葩華泮布不可勝計若夫鷲獸殺蟲倨牙黔口大匈哨  
後緼巡歐紆負隅依阻莫敢嬰禦乃使鄭叔晉婦之徒  
睽孤剗刺裸裎袒裼冒楸拓槎棘枳窮浚谷底幽嶰梟  
斥虎搏狂兇獄齧熊祛封豨或輕詵越悍瘦疏婁領犯  
歷嵩巒陵喬松履脩楠踔躡枝杪標端尾蒼雉倚玄猿  
木產盡寓屬單罕罔合部晉弋同曲顛行並驅星布麗  
屬曹伍相保各有分局矰容飛流織羅絡縵遊雉羣驚  
晨鳧輩作翬然雲超雪爾雹落爾乃藐觀高蹈改乘回  
轅沂恢方撫馮夷策句芒超荒忽出重陽厲雲漢橫天  
潢導鬼區徑神場詔靈葆召方相驅厲疫走蚺祥捐罔



而折遐衝者也方今大漢收功於道德之林致平於仁  
義之淵忽蒐狩之禮闕槃虞之佃闇昧不覩日月之光  
聾昏不聞雷霆之震于今十二年為日久矣亦方將刊  
禁臺之祕藏發天府之宮常由質要之故業率典刑之  
舊章采清原嘉岐陽登俊傑命賢良舉淹滯拔幽荒察  
淫侈之華譽顧介特之實功聘畎畝之群雅宗重淵之  
潛龍乃儲精山藪歷思河澤日晒鼎俎耳聽康衢管傅  
說於胥靡求伊尹於庖厨索膠鬲於魚鹽聽甯戚於大  
車俾之昌言而宏議軼越三家馳騁五帝悉覽休祥總  
括祥瑞遂棲鳳凰於高梧宿麒麟於西園納雉僥之珍  
羽受王母之白環未逍遙乎宇內與二儀乎無疆貳造  
化於后土參神施於昊乾超特達而無儔煥巍巍而無  
原封千億之子孫歷萬載而未延禮樂既闕北轅及施  
至自新城背伊闕及洛京

廣文選卷第五十九

江都葛澗校